



麟溪集卷之七

四言詩

李孝光

字季和号五峯永嘉人

南有嘉樹鳳鳥所巢君子之孝君子是傲予何傲矣
有踐者禮匪予能存自予祖禰先祖相宅猶泉之原
豈不貽世而誕其綿擊鼓之鏜兄弟應行衍衍栗々
執德孔明伯也甚敬大冠燕處并也絃歌陳其豆俎
有鬢而穉錦紳佩苜數視諸父視其舉趾匪夫之良
有姑有娣瑟彼中饋饋饌酒醴謾哉話言自我諸昆
羣弟具聽有踞其敬母徇母怠母酗母淫母聽婦言
毋讎我庭嗒々話言胡獨爾行凡人有家用爾為訓
尚願子孫終永無忒作嘉對之歌以勗明德

查采 字仲愈上饒人

有歸者門摩霄切雲玉昭人文鱗集而充櫛比而從
伊鄭之宗桓桓其振揆臬孔明載闢于行重慶在堂
曾玄日昌有質必良父教子歲兄愛弟欽樂且弗淫
服吾而窮世九而同益衍以隆黼黻羽儀學之師之
維禎之幾牛蹄角千其危百牽共牢弗遷天將孔揚
以顯休光聞于

聖皇

皇帝曰都爾嗣克圖宜旌爾廬然出而綸玉輝璘璣

勅

我子臣絢爛非灼膏露醴泉三秀植焉童胤耄期迹
息娛嬉益勸而規其規維何百忍一和永矢弗頗彼

張顯唐此陳九江孰与比量噫噫汗流德色鋤耨於
臂軋餒目質于簷心膏于慚弗死昌探浦江之源汗
浩澄淵可浥其消伊我人斯孝友同歸天下無為斯
門斯言千萬億年與

國永傳

林以順

字子木莆田人進士浦江縣尹

稽古聖神明德修身首念九族一身之吝族不易睦
睦之以親族不徒叙之必惇惇之親之民變俗淳
此屋可封孰專美名蓋聞其風降自華勛昔之所親
今為塗人昔之所惇今反少息後睚繼作建極叙倫
汨沒之中善端或明義夫節婦孝子順孫有一于此
朝上夕控矧自祖父至于後昆總功以降娣姒異姻

內外執役千指孔群同牢共食爰及犬豚堂與之內
惇睦風存節義孝順百行具聞義孰大焉宜書其門
余長浦陽邑有鄭君華其五世八世復新蠲徭之命
自天申之鄭君曰意曷且稱之聚斂有土聚斂有困
將廣此義卹荒惠貧敢白自佚以病鄉鄰吾忍安之
惟義是遵余謂鄭氏堯舜之民世世勿替用徵斯文
許士毅字弘之東陽人

有斐君子在彼空谷兄及弟矣温其如玉黽勉同心
受天百祿所謂伊人其何能淑好言自口則具是依
莠言自口則具是遠他人有嗟經之營之載飢載渴
食之飲之洽比其隣干膏樂兮哀今之入二三其德
逝不古處以極反側謂他人父日用飲食終遠兄弟

載胥及溺外禦其侮則不可得誰為此禍生自婦人
本實先撥終窶且貧豈弟君子實獲我心乃如之人
于于嗟麟子是以前譽處兮宜爾子孫振振于

廉惠山凱雅字公亮長元兒氏

於惟

皇元風俗淳美比屋可封廣輪疆里瀨左浦江民有
鄭氏鄭氏伊何孝義踐履九世同居百代同祀肅二
季昆雍雍娣姒教誨有章勤儉有紀旌表褒崇列名
青史令譽四聞慎保終始觀茲盛典昭示孫子

五言古詩

方鳳字韶卿号有雅浦江人

人愛渭水清畢竟河流渾不知黃虞世何處瓦柱門

旌門繼百世豈能外異倫只因風氣漓遂表為義民
麟溪有寒泉西流頽拖紳泉聲偏塞耳亂却牝雞晨
夜帳潑焰黑秋缸吐火紅六世孝友家元屬書聲中
爛銀鋪作燭綽楔何崔雀戶神似相語莫遣阿奴來
人心一遭蠱五官皆佐魔不賡斯干詩却聽燃萁歌
兄弟本一氣為利分爾汝借問嗜利人千載得不死
鷓鴣巢蒲林何地不感惻若非慈烏啼血淚收不得
我身乃親有况此身外物世人果何思肝膽每相賊
當年朱兩轡回首血在頤爭如義門鬼千載不饑而
何人非楊椿如椿能樂人只緣本心死所以有緇葦
大樹大十圍枝葉日敷蕃頽培百尺土庇此千歲根

傅野

字景文義烏人
詩凡五首

南山有嘉樹逢春發華滋本根既以固枝葉巧相扶
柢緣一氣生何處有盈虧春秋雖代序同榮復同枯
如何兄弟間休戚遽爾殊功總且不保違恤到本初
所以孝義家旌門正渠渠

澗河盡東垂中有鄭公鄉

北闕賜旌書高門何煌煌煌煌定何如白壁飾明璫
曷呂能致之六世共一堂不知燕雀中見此朱鳳翔
人生百年中奄習若塵飛朝聞金谷歌暮聞薤露悲
既有令兄弟中堂共徘徊何不日鼓瑟何不日高歌
彼哉惜惜徒割戶各騁私騁私縱有得奈此大義垂
遙遙漢星光鴻鷹忽南翔鳴轂一何悲萬里有凝霜
凝霜雖告寒頽影自成行感物有如此中心如佛羹

金蘭字美芳浦江人

浦陽橫大江江水如帶環中有義男子義門第五

德珪德璋德璋被誣罪當死德珪呂身代行德璋追及之爭相欲死德珪伺隙去赴獄平不還義男子指

也德珪頭戴芙蓉冠鮮有弟方少年紫髯頰玉面共聖

顏為雙飛龍勿為叅与商兄弟同一身此語安可忘

海水黑沉沉白石白如脂白石不可移海水無竭時

顏此在義家千載以為期不比春園花飄搖隨塵泥

我恨無羽翮莫逐晨風來僊山有神藥翠實方蕤蕤

鸞能間朝夕不相遠鮮二黃昏風沙暗有吏夜打門縣

家文書至便逼揚州行鮮三男子一聞之哀痛心欲折

井泉有時軋淚眼可能竭鮮四仰告蒼蒼天戒心一何

悲一弟不能蔽縱生徒爾為鮮五振衣隨吏去脚踏東

門路淚灑青蘭花蘭卷六樵悴鮮六弟往告司臬司臬

舌如捫便挽天河水莫洗九泉冤鮮七叔骨匍匐歸負

土自營墓哭聲不忍聞泉石為悲愴鮮八皇天感孝義

錫予孫子多于今已八世高門復歲歲鮮九高門復歲

我是乃德之報傷彼尺布謠聽之令人老鮮十不觀常

棣華韡韡鄂承拊植物本何知愧此七尺軀鮮十一欲

知一體分如是復如手但得剛腸存長舌莫聽受鮮十二

鮮十三聞鮮十三茫茫天地間誰無弟与昆我作義士歌有耳胡不

○留仲衡字子直鄰人

高門對雙表是為挂德廬其德果何如總麻尚同居
同居定誰氏鄭寔受姓初宗胤既開衍柯條遂芬敷

伊誰聖堂上兩翁已白鬚循循著教令莫覓奮樓呼
伊誰立堂下孫子何魚魚雞號各授事冠佩左右趨
有口共銅鼎有體均衣襦桓緣我心同能合彼勢殊
何以喻肅雖鼓鐘間笙竽何以媿卜彥雜然陳瑤瑜
似茲孝友家宜讓通德閭

朝廷築柱閣郡國下蠲苻非惟海右獨直恐江南無
人孰無兄弟一氣分體膚利蚊螬肺腑偵刀截戶樞
但推子妻息不恤父母軀豈無周官刑亟行不孝誅
巨浸一失防狂瀾遂波塗所以後王興感此世教淪
彰輝或有術作興迺良圖終然用扼鞭執難制悍駒
弄閱史牒間常若晨星疎不知此澆偽何能返黃虞
我觀天地間妙理貫八區乾坤我父母萬物皆吾徒

但得崇四術禮樂共詩書詩書化為炭禮樂坏作鑪
鼓此橐籥柄陶彼愉涼夫人人類稷契戶戶可公孤
宣此萬里化未必一門拘斯道若金石千載不可誣
有眼未能見側耳聞慈烏

○王樵

字良材淮陰人
容城劉夢吉弟子

我父昔生我及我弟與昆弟昆各有子我子復生孫
生生無終已遂成九族親自此至千萬厥初但一身
一身具四體缺一非全人缺是孰為履缺手孰為授
兄弟寔手足手足安可分皆係長舌後虐齟達牙齧
笈持粉黛劍割我骨肉息同胞已相戾况使宗族悖
我探受蠱初盃淚欲沾巾美目与巧笑能使明目昏
簧言復一鼓聒耳聾不聞聰明既失職黑夜東西轉

若不陷大澤豈免折輪輳又探受譖初慟哭蹠蒼髮
狙伺我微隙縱彼捷齧反參母尚投紆市虎寧非真
初如一綫流漸至九河翻內有膠涑設外有微纏陳
戕賊遠孽芽豈但施斧斤大或相暴陵小則成仇怨
唯知鼓瑟琴何暇恤篋墳壘麈苟不協琴瑟能獨存
斲喪一至斯有舌安忍論我寧不號天號天我何冤
冤彼異姓人離間我天倫頽波既如此思我孝義門
義門鄭為氏家在浦陽濱閭閻崔山南睦睦喪承詢
傳家守祖訓誓不聽婦言秉心如太阿百煉不作塵
所以六世間堂遮若春溫婦人雖陰類未必本不仁
姆師不我立大義遽埋淪誰招孟德耀為我誨諄諄
民彛在所忘然後治組紉厲階以無如式有要

此道未能布此風何日淳撫髀重增喟黃埃正齟齬
九有剛腸者熟視七出文

蔣德輝字明神浦江人

我昔游大學每携書一束歸來三徑荒蒼苔繞苑屋
所聿孝義家道路三里蹙東帛重延致解書喜同讀
一翁若停鸞諸子如立玉秋風燈吐紅夜雨酒浮綠
只緣六世間孝悌著雅睦內外無間言教令到童僕
豈俾陳褒專要繼楊椿蠲當今重風教有善必桂錄
鶴書下紫霄焜燿動林谷定歌螽斯詩千載永相續
盧敖字伯奇藍州人
余生亦何恨夜半起太息生平兩行淚盡為千載滴
秦風吹游塵障卻東魯日長夜何漫々待旦苦不得

豈無石內史但從夢中識

長嘆渺無極有客來南州為言浦陽江浪雪萬玉球
中有義夫家綴食百春秋卻將一團春盡敘不義予
方知寰海間何地無魯騶

太白何光光瘴海雲氣昏我冠者為誰被髮招楚寬
朱鳥固有嚼竹實死不繁政思蹈東海豈期繫南冠
便當繼姜肱一死吾敢難

人皆有兄弟吾弟獨此遭恨無雙羽翻挾之向南逃
百年可不死獨存如弟何誰歟不貪生甘以血濺袍
為義遮兩眼不見大環刀

爾死固得死世人多爾羞本心蝕未死魂汗當自流
孰不具手足孰非御衣裘皮死不敢惜吾方剪為仇

傷我談經生有識此意不

前武幸未遠後葉思履冰龜趺真穹碑不翅古鼎銘
熊蹯既謝美大羹心充劍當知袖出蘭免使頭觸屏
佩之勿我墜芝蘭轉青青

凍雪囚萬木屨着無不萎昨夜鄧林中莫折松封枝
新旭一照耀蒼然奮此鬚若非心如鐵寧免外物移
吾徒尚此感誰是挂門兒

趙必菘

詩凡三首浦江人

烏傷割北鄙地聯浦陽江豈非顏烏化成此孝義邦

武鼎德至再

陳武鼎父子

千齡世逾雙

何千齡三

高夙

振率毗凜俗變淳厖宜哉興起徒有志不可降

有志不可降唯我鄭公家者義若嗜飴藝善如藝麻

一翁寔唱首諸子不待批短篇詠陳褒雄文媿劉義
便荷五尺鏡學種荆樹花
享種荆樹老是乃人道常沙石方浩浩圭璧遂光光
有男奉耆耄有婦禮尊章似此仁与讓即是樊共張
自棄果可人涕淚空迸豕

余闕

字述心武威人
浙東廉訪僉事

省風浦江澣憑軾歷高門借問居幾何九世今不分
解驂青松林愛此季与昆檢是事光訓禮度尤恭溫
生祥亦何用有後天所敦常棣閔井咸厲階悲婦言
一朝或罔念喪敗寧具論清源無濁流芳蘭有競芬
摘毫誦勿替勉我賢子孫

李好文

字惟中壽里見後
詩送浚常憲僉

與君十載游共通金門籍宮庠君所守鶴禁
我供職貴游儼冠帶蚤暮分誨席林林虎豹闕
天威嚴咫尺有時得蕭散陶寫廓曾臆鮮炮和漣酪
杯勺倒瓊液翠華歲行幸扈蹕樂南北僕夫戒征
輟候人望前驛王事信靡盬幽興亦自適槍竿過危
源龍門看雙碧傷哉弔李陵荒臺有遺跡灤京六月
源禁林少風日或相對晤語或時訪佳客留連僅
再月驅車已迴轍樂事方未終轉首駒過隙希闊又
經年良會那弄得君令持使節綉衣耀鄉國歸棹浦
江雲叱起初平石病夫嘆留滯故里盡荆棘碩瞻天
地間慙慙每跼躄政如籠中翼羨彼冲天翮無以送
子行寫詩長太息

許瑗

字稟夫

梁平人

鄉愚

本原一枝派同居乃道常人偽日滋蔓闕閱殊雖
衆木盡凋落觀此松柏蒼姬鄭婺大姓九世聞逾張
引翼流弗替允矣昭倫綱敦睦天所性怡怡聚中堂
卜爾百福皆如阜如陵岡簪纓集館閣碑表羅門墻
震眷勤以渥公紘景休光顯我戒盛滿遠大彌隆昌
七言古詩

盧摯

字處道

翰林學士

號齋函郡人

昔持繡斧來江東春祀如蒼暈青紅休寧別駕永作
瞳上窺吏部仙源通五世父子今孝馮刻章即上永
相府哀筆隨寵陳留公三季無夢到章鼓湖山一咲
浮雲空花門使君躍馬至為道通德入門崇老粟嘉

瑞忽迭見葭飛簷應春風中大江東派活如龍恨無
閑檝來相從涉川共採青芙蓉日被澆風吹耳韻詩
成不覺重太息西飛卻媿雲邊鴻時嘗為江東部使者
存朱別駕之家五世聚居為察實聞相府其門
復勿事故及之朱之問祖蓋吏部公松之從兄弟花
門吏君則指擊之
舊友忽都魯少也

○謝翹

字翹

相天祥

客也

金蓉山上雲采采白麟溪前水歸海溪中赤文長鯉
魚恨無神翅謁龍威廣陵城頭大風急吹散遊魂帝
未得不結瓊英后土祠當充蘭佩離騷國富貴易奪
生莫移誰宜殺身為聯枝脊令原上赴急難我有冠
裳可不如子孫至今無裂藉六代傳來猶一日白頭
秀才諄能文得似君家好弟兄

○李炎字仲炎成都人

鄭家義聚古來鮮若箇鄉人不稱善建炎數到至大中二百年來名卻顯彩楹插空蚩尾映大字橫雲蛇影轉廟堂何事桂常布風俗緣茲作冠冕

聖人御世有微權四海黃唐尚加勉固知

皇靈極遠覆亦由家政遵彝典孝悌相承不改轍一如力穡治疆畎黍苗或待耘耔稂莠茫茫必夷獮自非方阜遂堅好得似垣京足充衍因茲駕蔡還蹠崔歸然特立顏無覿前年燕南見規範髣髴口中嘗禁齋迨今嚴藏篋笥中時把五經共舒卷一家樞機果何繫六禮從來是關鍵想當肆造陳威儀鷹行有序如刀剪玄綾繫弁既振振明璫懸璜何翰翰關河

遙遙唯夢到有懷不得殷勤展窓前闕盡薦紳歌逸思翩聯抽獨蕭何當喚醒草堂靈淨拭塵衣認瑚璉

。張宣字景察靈夏人

烏頭鏤作玲瓏雪礎華春煖麒麟玦盤庸轉環風力歇匹練染秋銀作痕玻璃出水光無塵河東大冢刻旌文煌煌耀日張銅鏡香蘭咲抱螭頭磬照水生容搖不定長衢夾巷玉侯家芳鸞鍛羽高簷牙但欠炙種紫荊花

。葉謹翁字審言金華人

右不見漢朝樊重起耕稼三世同財人共說年踰八十壽且康息邨鄉隣通假借雋兒榮拜壽張侯好義由來同耆炙又不見唐代崔隱仕博陵三世同居人

所稱一門孝友好家法六子達官皆同升宣宗太書
德星里子孫流慶何繩繩浦陽彼美康成裔合族卑
廬今八世孝慈友悌藹仁風樊崔未必能專美有君
刻上達中書扁額昭揭光門閭差徭蠲復有定制鼓
舞

聖化均涵濡一翁鶴髮乘乘老膝下曾玄更娟好要
令嗣胤續芳猷書種相傳善為寶欽惟

天子聖且神敦崇孝義還真淳何當論列上太史紀
繇此事乘千春

胡長孺字汲仲雅石塘永康人

官中挂門屹森竅左右建臺高一丈粉版玄題明冕
晃古越西垂浦水間一族合居羣從繁所以

天寵來便蕃當年曾主海壖簿海俗瘼頑如猛虎雙
眼見利四角紅咫尺父兄不相覩或持訴牒來公庭
悲我寒淚涸欲冰手把鐵搗不敢擊教化不先難遽
刑豈如吾邦多孝義世德相承終不墮華表入雲非
爾私要令惡子心生媿有口不辭相曲阿卿公雖貴
如我何海東似此能幾姓灑墨特相填箴歌按故事
聽事步欄前列屏對鳥頭正門開閣一文二尺鳥頭
二杜端眉呂五排筆雙閱一文在鳥頭之南三丈七
尺夾對擺柳十有五步近代不用唯量地之宜高其
外門二安緯樓左右建臺高一丈二尺廣狹方正
耳汚以白而赤其四角用以高不
孝義者詩中所謂建臺蓋指此也

陳堯道 字景傳義烏人

仙華之山屹亭亭排空橫展翡翠屏大江前慣類建
鈕一瀉百里鳴春寔神氣勃鬱通潛冥東風吹花入

紫荆紫荆卻種榮陽庭玄擅點華香凝凝上有玉鳳
聲和鳴如奏雲中紫鸞笙下有赤芝生前盪扣之金
石同鏗鎬坐歷八世二百齡朝朝但見博芳馨

太平天子坐龍廷至治上與黃虞并化被海寓知天
經彰善瘴惡樹風聲一朝天書下紫清大書銀榜崇
門挂鐵劍橫截紐金繩鸞鳳飛舞來瑤京州里仰瞻
如景星吁嗟埃風欲翻溟宦矣之下截戈兵闖牆勅
蹊氣拂膺豈知原上鳴脊令視此寧不面發頰我誓
德義何由興季方為弟元方兄秋風老淚吹廣陵知
心唯有花如瓊白刃可蹈了不驚負骨歸莖四尺塋
二難制行通神明致令門闥逢

息荼尾眉書客塵冠纓作詩歌與太史聽彤筆便當

書汗青留与後世為章程

。陳舜道 字景宗 景傳弟也

伊誰司此堪輿權淋漓浩氣開象先帝青遙遙收不
盡一時融作奇山川烏傷北鄙浦陽潏仙巖斜倚青
繆壇何年臣靈勅龍鬼移來秋掌龍門邊執如長蛟
縛不定東走十里飛蛇化為金蓉發靈瑞黃跗巧
與青旌纏猶如大將擁旗鼓健卒韃矢持空卷香巖
群峯類結陣執兵遠衛轅門前白麟昂頭卧其下口
吐萬丈玻璃泉縈林絡石去不返蟠渦時匯為深淵
靈氣盤旋不得洩神功斂聚鍾羣賢榮陽先生眼如
電洞然四矚牛無全不隨區區事籤簾手持鐵撻翻
帚編發揚經筵築深壘麾斥墨守施長鞭豈為遊談

務口耳要做通德高門懸川鳴谷應不足喻盈庭和
孺春風妍遠行萬里自頭出欲使弓冶傳千年利刀
擔斬北鷄舌捷翻求比慈烏肩繼繼繩繩愈昭晰深
造輿圖抽關鍵真醇益盜見壘洗文章衛統如絃縱
昭哉孫曾有奇氣皦皦雙璧輝相聯周郊天空鼎已
失殷民夜哭頑難鑄廣陵城中開大府百花高座貌
貅擅紫髯將軍按劍坐元戎十萬橫戈鏃一朝兮符
下淝水載旌直往何翩翩兄弟相攜競欲死道途見
者皆潛然世間若有范史筆此事未許姜生專一門
已見二千拍變化藉此為陶甄穹堂邃廬若柳比二
時綴食開長筵大鏞一震鼎皆列前獲慈貫行連連
公財唯知共筭篋私饗不聽存楛棧薰漸儻膝諸禮

議賑貸飢窶舒憂煎漢廷當應孝廉舉淮南勿賦
隱篇繡衣使者駕朱幘廉察國邑攘奸虔下車咨詢
乎加額便合植表風輕儼夜書綵章數千字直奏
宸閣行旌纒

龍章光耀動林谷官曹彙至聲駢闐白瑤為崩溇為
蒙兩搢丹腹爭瑛鮮煌煌淵宮照珠璧燁燁命服明
蛇鱸義風洋溢被閭閻遠邇敷教咸明宣我聞古先
建家國錫以山川連土田分茅命氏有定制從此世
及長循泂別子承家統支屬沙應百世無由遷布之
分宗雖萬變水原本本知相嬪試提宏絜振萬目公
明六子隨坤乾成周遺法燬不誨如車無輻衣無船
公卿既乏世臣禮氏族變滅同雲炮縱如八葉著肅

氏遺胤今日誰人傳豈期士庶或敦義合族有道垣
平平老幹當中屹不動枝葉交叢皆依綵前張後李
既亦奕南崔西鄭還絲迤只今榮陽已八世追合古
轍無差愆

聖人當天理萬國時時教雨露八地自非淪肌共洽
隨安有嘉瑞長江孺書生滄滄弔孤影多憲奚翅夔
舜絃青山濕翠裏雙履秋燈兩几空鑪研竭來觀瞻
駭心目三日凝望幾成顛強顏賦詩不成句悲吟矮
用鳴秋蟬瀛洲杳杳在天上風日不到多羣仙鋪張
偉蹟定可屬當有彩筆鴻如掾

○吳師道字正傅蘭溪人至治辛酉進士中書九部郎中
烏頭雙表誰家門浦陽鄭氏承

天恩聚廬合族二百口數世不分同懋燔墮中秩秩
教令肅堂上怡怡色咲温丈夫冠昏動据禮童子孫
弟知敬尊主人厖眉季七十及見森列曾玄孫眼中
盛事真罕有何用華罷希高軒吾邦孝義著古昔迤
來薄習狂瀾奔請看石刻誦規約愧汗可使風還歎
與仁一國信有悒素彝萬古昭無昏君不聞唐朝狼
公藝五季江州陳至今稱之無間言豈我來者守勿
墜天壤名並張陳存

○周伯琦字伯溫鄞陽人

白麟溪上孝義門九世同爨古道存大書家範格後
昆雙桓已表

朝家恩闕孫祿食慶譽蕃馳封先世光丘園天福積

善方源源黃河千折由崑崙樹實盈掬同本根安何
摠摠利欲昏斗粟尺布成仇怨誰如鄭氏宗彝倫門
外種竹堂北蒼森森橋梓下蘭蓀尊酒簋貳鳴簫墳
里鄰觀感終弗諉白麟之水清沄沄鄭氏之興未易
論前此張氏後陸陳詩之庶使薄谷敷

雜言詩

○韓沃字鴻父

吾嘗夢入瀛水鄉紫璇作宮翠璣房迴風沆鈴動靈
璜老僊斜倚青瑤床瓊童進漿白若肪醉中微吟九
霞章群仙委蛇參鴈行覺來袂奕欲飛越發書占之
定何祥楚燠一云奏王靈告子逢吉繇便借仙人綠
王筇天風吹墮浙水東浙山有石青磊磊浦陽江流

直通海江水去若飛江色凝秋衣仙華芝草方纓鞋
山前月色白如練練鳳無簫人未歸繡闥依然屹雙
敞千年不見琅玕長咲歌蕊笈欲歸來眼前督觀卿
雲堆揚眉正視之旌門何雀雀神晶透奪耀恍若金
銀臺數乘環子輕縮樞軋銅弁文礎芝文巧琢鸞光
驚開鐵華一揮萬牛莫回春蛇秋蚓不足數旬然鍾
鼎盤雲雷我觀不覺再拜跪夢中之祥無乃是便揖
傍人問誰家滎陽孝友言非夸一雙兄弟類合璧遠
城待價無纖瑕北風一吹江水竭海棄入夢非東華
誰欵具錦巧加織尺符擗拾歸籠置但知有義不知
死爭先千里衝風沙咎繇骨化招不起血淚滴碎揚
州花自茲聚廬又五世孫子不故相又牙

直人問天重褒錫爛爛文采巨魁霞我聞斯言至感
泣大潛失防水漂溢禹行舜趨豈無人多少弟兄不
相識何如招青童吹鸞笙子奏松風舞海鶴子跪神
熊我歌白雲樂三終手持常滿杯際鍾請為策陽主
人壽閱世滋久歷歷如張馮

○万俟緯

字子通古海人

有孝者烏其尾畢逋鄭生百口尚同廬初自睦州大
山間移來浦陽居有田可稼有園可蔬其他無所嗜
唯愛魯春秋如增與以孝傳厥家謂是一字符父兄
既侃保子弟復愉愉一盛及身不異儲有孝者烏畢
逋其尾鄭生兄弟何儻偉賢有賢夫夫聞之喜欲舞
上章公府中請表宅與里生言人道常素無一可從

祖父同算合鼎時豈是有一求褒美大夫碩謂生汝
言豈無理吾非私汝家要為風俗計目此儀曹錫寵
章機括一轉多興起孝烏孝烏能哺黃口雛雛羽翼
長漸學飛烏為雛故力漸裒雛反哺烏如甫兒鄭性
之孝得似之故能推義沾功總世人往性忘其初顏
面雖人烏不知右孝行

○陳堯道

字見前

我觀世間人易凋若花柳雖有奇男兒千載骨不朽
鄭公壯氣秋雲高此髯起立如利刀要將殺盡不義
鬼宥假大戟長鎗鏖何人在家能不死公死廣陵大
城裏北風吹盡面痕青芳窈夜歸逐江水江水有竭
時公議不可虧我來拜公像凜凜若見之嗚呼埃風

方渺瀟交相為瘡何人斯如公當作百世師

九題師義士
文蕭先生像

詩

應儼

字克莊健為人
至順九年作

蚤吾有客嘗賦詩以神芝乳泉之瑞比浦陽義門其
意蓋以義門乃

國家和氣所鍾其瑞可與二者等耳是未知瑞人不
瑞物之旨者也捷為應灑作歌廣之歌曰

吾聞天地有六氣日夜輪轉如輓毬上玄下黃歟薄
翕欲不可測而况朝霞心陽淪陰沈灑欲割冬夏分
春秋是中定有紫玉蚪背拽萬鈞鐵鑿掣起元氣鈎
橐籥自茲鼓不歇鑄出人物戢戢如魚頭有時有餘
暇便借修月寶斧琢成商雲肉赤外黃象點作五星

粲粲如連球九流百家不解事便道天象可以禎禱
求橫搽豎摘舞走不知止白狼赤兔蒼烏赤鷹醴泉
芝草上中下瑞交相繆可是章逢醉不醒或推元命
苞或按潛潭樞或叙。稽命徵或出感精符灑盡孔簡
令人愁不知天公果何意耗精竭神產此尤物為人
尤歲侵豈能當梁肉冬冷不可為衣裘律之名教果
何益誰肯緼華潑墨作為歌頌令人謳不如便勒青
華丈人掌真氣不生陳留蔡輒育東平張三世直至
八九世察父括兄孝孫順子綱常修鑄成鐵釜却重
萬萬罔深如際州狼毒井大車載取南山楨煮作淖
糜食長幼聯遮接鼎好似革鹿齧吻吻一家興讓一
國讓更推此義達天下日下西正毋孤竹北戶孫盡

除閔壻祠宮事革心革面如同舟官府不用刑單父
堂上琴鼓幽社甲不用勸東眷西眷如魯騶盜賊不
用拜只把詩書禮樂收戈矛如此真醇好風俗豈不
是大祥瑞豈不是尊靈共胥皞皞世豈不遠勝顏芝
如石泉如油不然則阿奴有火攻厨宰或供乳苟非
牧羊奴必形尋斧醜甚處更覓華葦相輝燿此時縱
有沉精降液九莖三秀物不過令人羞蠶吾老仙來
持使節察民政繡斧一指水倒流何故不分玉石共
薰蕕只緣拈花掇艷日事綺績句原田根本不肯加
鉏耨老生讀之尚未了不覺毛髮直豎寒颼颼我朝
聖神起龍翔壹以淳厯寬厚化九州霆訇飈行不可
遏東西南朔皆可封公侯國邑不敢薦祥瑞但聞巖

穴有士咸羅蒐北門學士掌述禮典三十二儀曹日
降桂書優兩脚不能徧感四海內所見濠梁有張休
寧有朱浦陽有鄭同廬直至二千指漢唐僅見難同
傳煌煌

帝紱絢耀動陵谷海隅蒼生莫不承

天休乃知

九天瑞人不瑞物此道直可上窺姪姒兼孔周老生
年壽雖出伏生上猶能摩挲雙眼揮成奇奇堆堆文

字歌

星猷

麟溪集卷之七

麟溪集卷之八

長律詩

管全字自毅章龍人

須女兮光壓近
躔浦陽自昔好山川
白麟直噴千堆雪
翠巘斜張九曲擅
延慶門闌當有寵
豫公兄弟故多賢
百年遺血不改碧
八世傳經但守玄
帶草春露通德里
常華香染廣文氈
石標麟鳳瑤文列
茅縮蟲魚玉牘懸
振寰陳陳存忝廩
掩馱鬱鬱築松阡
樹防欲障奔流潰
弼教應隨化軸旋
珪組何人嗟譜遠
布帟有士獲宗傳
人生只此彛倫盡
一日何須羨九遷

吳當

字伯尚臨川人

中書兵部郎中草蓆先生幼清孫也

故國衣冠地名家孝義門同居能九葉積學又諸孫

時薦嚴宗初晨祭列弟昆周旋俱典則舜氣總清温
白髮千金壽華筵九醞樽承頰惟豈弟服禮自朝昏
里閉尊儒素閨門或婦言追趨真有序雜沓更無喧
籍甚羣公譽猗燠薄俗敷隣飢兮粟布客至餽牢飧
冉冉山陰掉原原谷口轅張琴春滿坐洗管月臨軒
置驛遺風久傳經古意存五倫嗟教弛百忍與誰論
世已書連屋秋仍稻滿村山莊友麋鹿於社宴雞豚
褒奏婦廷議桓楹表

國恩自多承雨露已足貫丘園私泚垂規範貽謀著
本原後人方食報逆翻鵠孤鸞仙籍通青瑣官曹近
紫垣鄭深字仲幾時自太傅府長史為宣文閣校
經檢郎兼經志譯文官深之諸弟濤字仲舒爾
受經承相為太傅同進一門之盛時人榮之五雲來嶽

鳳六月起溟鯤從此公侯復終期福祉蕃高名千載
事行帛照乾坤

陳倫 字彥理 會稽人

婺女曾臨地嫦娥尚應泉佛廬孤塔峭仙館數峯圓
空翠侵人榻山風拂馬鞵青杉開卷畫丹未粲珠玑
虛白高人靜幽棲此地偏繞堦叢杞梓滿室鬱蘭芬
置驛時還羨登門興已專舊知嘗汲引異縣始周旋
心醉如傾曦情歡為擊鮮圖書森在眼水陸盛臻筵
章甫交雖淡高山韵可絃于門多樹立陳榻甚安便
故喜春風坐無愁夜雨眠淹留成信宿感激歎孤騫
帝渥宜蠲復卿家固勉旃翠珉凌巔巔鴻華走蜿蜓
規古終無愧於時騰欲宣文章驚藻繪華表看胎仙

名實真如此逢迎復有烏見聞非抑鍛言貌豈施鞭
謗說行難逮寧知事有先奉祠嚴伏臘譜世過曾玄
美實蘩盈百中堂指累千冠婚循禮制左右合班聯
會飯蓼葑鼓同居簇簇烟老成心愈樸童穉德猶全
習慣皆存敬居常敢矯虔四知雖甚畏一忍蓋無愆
燥度參前憲捺為在後賢處心難轉石率性肯為機
鑒朗遭時亦家豐邁往奉納流疑海接旬構若雲駢
樹密瓊枝茂機空貝錦捐日收同李庫春種得蘇田
稍廩能河潤北鄰孰罄懇親踈知有自施予合於權
家喜中流柱誰從下瀨船世情傷布粟物理憾夔鉉
君子嗟無及何人疾易痊錐刀相趁逐膏火謗烹煎
怒則爭牛虎微為嚇鼠戴蕪藜多害道常標誰知天

感事興長慨抒辭贅後菴曹劉能得隨陳范却齊肩
悵望東溟闊蒼茫正路端籟鳴機自動草偃莠難巡
莫謂堯猶病爭聞舜有羶遙行如有序于尾不勞牽
珎重憂沉陸歎嗟力障川共翻餘子步可說大庭連
盛代斯為貴淳風早又還士流增厚重鄉曲絕輕佻
夔契家家是東南處處傳鮮生何似者亦得賴陶甄

屠牲

字彥德諸暨人
月泉書院山長

昭代多旌表誰如鄭氏賢起家由孝義合食過曾玄
外內三千指春秋二百年分明周禮樂焯赫藝山川
闕閱非徒尔源流必有先里新通德彌派始睦州遷
友愛相雋室鄰飢儘粥田填篇騰士詠弓冶付孫傳
炯炯星乘目稜稜鐵插顛尊王窮蠹簡著論合經筵

父老寃無訴親慈病久纏吉祚求代切江革抱持便
連木棲鸞蔭麟溪產玉淵哭泉如鯉躍禱雪露牛眠
異鼎虞身後深衣指墓前血誠斯感格胤胄遂蟬連
四葉餘陰聳雙枝碩果駢遺民周末草重典漢初沿
後壽情何侶衰軀請互堅載旌夫槩道就獄廣陵堞
碧草兄膏化瓊花弟淚漣絕江歸白骨廬墓慟蒼煙
宗子思當繼孤兒撫冢憐空馴烏鳥食幾廢春令焉
造化英靈在詩書厚澤延一翁投墨綬八紀享華顛
古禮躬將踐家規手自銓祖祠重展拓時薦必精虔
土木神祇像縑紉佛老編列房導屏棄左道絕攀緣
主饋供醪醴諸孫執豆籩官非家敢備職賴族能專
爵弁三加重鸞迎六禮全婦言頌日戒祖訓遜時宣

肅穆閨門裏怡愉凡杖邊薛琮安藻藉琴瑟應冰絃
每聽鍾為節分趨鼎列筵雁行真有序鳩愛本無偏
黃卷牙籤富冰壺寶鑑圓崔芬貽孝睇柳郢侍公權
不待幾微諫都忘示辱鞭隸華光赫赫瓜瓞慶綿綿
庾溢豐登粟儲贏積著錢繭絲春箔聚機杼夜鏗聯
共效分陰惜誰甘外物牽成童猶菜茹遠客始庖解
異味雖娛老乾餼不致愆服隨親降殺總為義周旋
曰髮還嘗藥祥琴尚食饅人倫看秩秩王道信平平
錫類覃宗鄙餘波及里廛參苓驅瘴厲棺槨敵烏戴
振廩輕千斛誅茅廣萬椽震凌依臣庇海甍免深填
婦賴糜充乳兒驩食下咽鑿耕環浦泖樵牧被巖巔
惠有家家祝逋到處處捐閭闔還揖讓橐籥化輕儇

初命桓楹建申言雜賦蠲烏頭昂突兀螭首護蛟蛇
筆札金閨彥文章玉署仙寵踰旌子子賁朕帛彛彛
佳傳登三史淳風扇八埏陳褒難獨步公藝與高褰
感激洪恩被摩挲老眼穿守成森杞梓孕秀盡珠玑
憐趾閔睢意黃鍾大呂縣續規嚴畫一新譜繫盈千
外傳資防範遺經轉究研別開虛白室高倚鬱葱阡
湖學先生教徂徠弟子負才華成黼黻器用出陶甄
令聞閔台鼎清光接斗躔差池公府掾瀟灑孝廉船
雨露齊承溼雲霄早比有雙螭香爛熳三鳳影聯翩
劍珮彤闈密炬花紫禁妍橫經懸象篆進誦映貂蟬
儲后頒銀畫元臣洒錦成門闈增至喜琬琰託深鑄
爵命需存歿龍光照幅隕謳歌春浩蕩夢寐綠躡躑

地脉潮通海星津粵近燕繡行思暴勝槎泛待張蹇
尚論今如此還嗟古邈焉漢臣糠覈誚魏室且箕然
布粟謠猶習擾勑俗未俊寸腸迷粉黛同氣凜戈鋌
舉世狂瀾倒斯門化軸深獨孽霜雪幹不染淤泥蓮
樹立誠難矣栽培盍勉旃斷金加勇銳執王更勤拳
高詒雲天薄相思日夜煎仕叨君子里業愧廣文擅
枉翰情如覲樞衣疾屢痊願消胸鄙吝敢憚足屯澶
碧囂為城郭清溪抵澗瀍世家仍黼黻泰運正坤乾
甘露零朱草祥雲蔭醴泉不於茲地豈何以表皇天

余堯臣

字唐卿永嘉人
詩次屠山長韻

喬木多凋謝猗歟十世賢旌褒輝里閔孝義徹幽玄
苗裔諸姬後淳厓太極先豐碑虞古雍列傳揭臨川

丹棘敷仁城靈椿庇讓田歲寒松獨秀新盡火猶傳
窀穸神驅雪園扉血濺顴泉通非關隧水釋敢忘筌
丞負三衢宦腰無十萬纏死爭情懇懇氣絕腹便便
禦寇勞籌筭操心本塞淵耕牛隨草齒吠犬傍花眠
領薦輶車下防微綵捧前正嗟兵火困遽喜揀楹連
猶子恩情厚諸昆氣義駢鑑醺時自照爨合世相公
步履艱虞際閨房鍊石堅貞風靈澤水烈日浦江堦
宋女孤心白凝妻萬淚漣一鄉沾化雨百里帶炊烟
仲氏材堪尚監官位可憐春秋遵古禮條目載諸篇
闕閱東南冠門楣爵賞延葬埋陰種德施予志扶顛
學禮殊諳世閨譏却再銓誠書負外柳德望廣文虔
翟妾毋縻寵歛兒有續編瘠曰資草莽豪右起夤緣

二怒申懲勸千家樂俎籩忍惟張氏並孝豈董生專
月旦衣冠盛總麻禮意全趨踰堂廡集進退鼓鐘宣
蘭樹森庭下文章映日邊弟兄溫似玉忠讜直如弦
檢籍宣文閣談經太史筵哀裳端有補王政藉無偏
北極文星燦東華寶月圓追隨還適道獻納屢從權
慨慷漸離筑後容袒逃鞭上林花爛錦太液柳含綿
衡鑑天官選恩榮學士錢松楸懷馬鬣圭組耀蟬聯
禴祀存宗法焄蒿感餼牽澆風方靡麗薄俗飲肥鮮
仰慕多慙色漸摩庶罔愆始懷烏反哺仍斥獍回旋
世患饕糜肉喪居棄啜鱸異端斯害甚正道未能平
作者惟諸老為氓受一屢羽翰棲棘鳳節操戾天寫
規式堅珉石軒楹質采椽蘋藪歆水薦篆列藉朱填

幹根輕紅

絲陋白咽蓼莪濡湛露風木響層巖

一境杭秣羨諸瑩草莽捐羽書俄警急干舞寢便僂
海宇當造謚兵戈未盡蠲遐陬馳騁裊新堞篆蚰蛇
諭蜀懷司馬驚蠻想謫僊林丘成寐寐東帛謝芟芟
白骨連千里黃埃漲八淀行行駘不避去去幄誰褰
刀試鶉膏潤弓闌柳葉穿郊原珎粒粟城郭賤璣珎
干木廬還式迤陵劍獨懸子衿充十室客履近三千
籤軸臨風整朱黃滴露研雲仍朱子學南北鄭家阡
冠帽頰三等庖厨匪具負齋居隨藻祝祭器列銅甄
樓配休文詠山公婺女躔虎降廬墓屋魚躍下溪船
徵吏來拳足行人過息肩墳簫叢翁翁綵服袖翩翩
橘實臨霜熟荆花得露妍篝燈忘夜昫講誦答秋蟬

潤澤端溪硯光明刻水篔簹潛皆鎮密實錄去雕鏤
奕葉光前後恩波被幅隕高堂鸕上下華表鶴踟躕
朴素聞閩浙嚴華達薊燕大招推宋玉哀些叶僧蹇
門第今榮矣箕裘盍勉焉嗟予耕隴上有志勒熒然
部曲皆思效冥頑忍弗悛
險阻盡刀鉞

茲邑逋逃久吾徒煦嫗還郎官期種柳幙府廢栽蓮
為政空馴雉招賢負曲旃縱戎雖草草仰德實拳拳
淳酎春風釀團茶夜雪煎搯衣探碧澗拭目看青甍
入境心隨化憂民瘼未痊膏車因齟齬秣馬故迤邐
深隱依巖谷高情動水渥興懷常耿耿疑貯更乾乾
雲沒烏傷地風生孝感泉終當拜祠下一酌雪晴天

律詩

別兒怯不花字大用燕贊吉

白麟溪上有挂門九世邕邕孝義民晉鄙多沾荆樹

朝章兩被墨花春傳家已見存詩禮瑞世何慙比鳳

麟莫道江南風土異從茲民俗定還淳

里中鄭氏以九世同居得賜挂復方請文樹碑日以

美之

復戶挂門繫政機仁根義葉發重嶽青瑤刻子標門

表彤華登名重布衣突突息榮增世美繩繩孝弟保

家肥蕪辭豈足鋪鴻偉看取芝蘭引夕醅

揭侯斯字曼碩豐城人詩誦學生謚文安

柳太常道傳以書來京稱鄭氏九世同爨浙東所莫

及且徵予文予以其有繫風教也既為撰孝友傳一

通俾之勒石以示子孫復為賦詩一首

聞說名門近越川棟華偏為發春妍子孫共飯三千

指詩禮傳家二百年簾影護迤晨鼎列書聲撼屋雨

鐙連日茲憶上金溪道官柳逢人亦黯然

張起巖字夢臣海南人及第翰林學士承旨

浦江鄭氏家聲好九世雍熙萃一門禮法謹嚴遵祖

父義風傳習徧規孫朝昏警勸音容肅閨闈安和矩

畫存盛事馳聞到

京國令人興起仰淵源

王沂字師魯襄陰人禮部尚書

化行宗族百年中惠及鄉鄰不有功堂上德星光又聚階前書帶草應叢表閭四葉垂青史遺訓三篇見素風欲識慶源何似遠浦江春水日流東

楊宗瑞

字廷鎮天臨人進士翰林侍講學士

義門何許是遠在浦江東去國五千里傳家九世同細觀家範集足變閱墻風馴致雍熙化終期紀聖功

馮思溫

字公勵晉陽人御史中丞

忍字多書憶昔賢浦江鄭氏又光前一門聚食數千指九世同居二百年家法有條知戒愆宗盟無背來流傳白麟溪上簷楹外題表峨峨聳翠烟

胡助

字一愚東陽人太學博士

鄭氏義門旌表久矣迺者余僉憲行部經過大書東浙第一家五豸文以褒之此觀風職也助嘗造義門獲拜期頤之老於床下見其長笏有序衣冠濟濟一家三代之風也嗚呼盛哉輒賦近律一章以紀云相國鴻書護碧沙鳳麟洲藪閱烟霞南方禮義無多挨東澗衣冠第一家天士經造資檢討里中文學被光華觀風善俗加褒表厚德清芳豈有涯

鐫聞

字文震安成人進士河陽府知府

浦江幽絕處鄭氏好園廬族聚千餘指門同九世居家風化僮僕廩粟振鄉閭謂魯無君子君看信史書

徐一清

字永之蘭溪人進士江浙儒學副提舉

華堂深坐鼓晨撾義訓勤勤聽不諱雪案詩書均几

席夜凶燈火共絲麻一牢共食馴諸犬百口同居有
幾家晉鄙人應薰厚德庭前重發紫荆花

貢師泰字泰父宣州人
中書吏部侍郎

太平禮樂共光華湖水東西第一家九世同居元有
法千人聽教自無譁竹林慣見冬生筍荆樹應慚晚
合花積善定知當食報滿門朱紫爛如霞

徐當字子耕廣平人

要將家政繼千齡六世如同一弟兄紫鳳啣書果
禁闥白麟吐水護門旌固知太史能書傳尚欠儀曹
為勒銘媿我秋風憐影客徒歌杖杜葉菁菁

夏泰亨字真進士會稽人

白麟溪上移家日玄麓山前守墓時一念獨金尾集

義百年頗有子孫知褒書諭俗旌華表使節觀風采
頌詩聞說浦陽江上樹春來多長紫荆枝

王宥字敬助越人

九葉同居世少聞一雙華表抗浮雲

朝廷已識張公藝鄉里惟多萬石君太史有文垂不
朽清時遺範獨超羣鏡湖亦有西裘族千載流芳許
共分吾鄉義門裴氏先時聚極盛其
廳事晉義熙間物今歸然獨存

趙樹鄉字本初會稽人

白麟溪上鄭公鄉孝義傳家世德長縣僻訓辭觀忍
字凌雲華表拜

恩光紫荆樹發春連屋常棣花深笏滿床
昭代民風有如此流聲千古映繡緇

王嘉 字景先 東陽人

置身蚤已近

台階茂學芳年孰与儕德樹義門輝棣萼賢儲相府
入芸齋誦迤曉日瞻

龍衮禁闈清霜拂家牌生意滿庭書帶草春風還肯

到堂槐

鄭氏諸孫仲幾仲奇以學行聞大丞相延至東閣為二子師故詩中及之所謂家牌以象牙為之長不滿尺面

刻宣文閣三篆書塗以金背則譯以蒙古衛兀字寫作二行飾以青縮以翠絲條佩此方可出入禁闈志讀詩者不盡知并識此

鄒奕

字弘道 吳郡人 至正戊子進士 饒州錄事

麟溪流水漾清輝華楔文光動紫微九世同居端有
義一門純孝在無違桂林秋露侵黃卷棣萼春風照
綵衣昔日千齡同不朽五雲攜錦出綸闈

陳煥翁

永新人

讀公規約使人嘆世降風顏不忍談富貴猶懷轅釜
怨功名不掩絕据慙孔乘析利鷄鳴起蠻觸爭雄虜
視耽誰不可為陳陸鄭江南僅有義門三

方升

字彥明 會稽人 御貢進士

同心堂古芹分居忍字曾聞書百餘瑞木連枝和德
種嘉禾蔽野帶經鋤雲仍毓秀懷青簡昆季觀光待
玉除孝義之門有如此高風足振斗牛墟

俞煥

字仲文 越人

春秋明世澤睦族有庭箴孝友聞三鄭死生同一心
白麟波浩渺玄簾樹構森高木成陰處
天息雨露深

歐陽玄

字原功 爵里見後 詩送波常屬念

幾載東南孝義家才名一日動京華官師久典宮
中學使者真乘海上槎苦念吾民嘗越膽勇先諸校
式吳哇會當盡掃妖氛淨歸侍螭坳戴觸邪

熊夢祥

字自得江

浚常當太師道濟公在朝時得旨除宣文閣授
經郎閣居內府凡

聖子神孫咸晚勲舊碩宰子弟俱奉旨入閣授道

閣中有土圭測景自郊及申始解學越五年除天官
值道濟公統領天兵討淮泗時六鄉從行浚常預列
後相君謝事浚常恬居三年裕如也至正丁酉八月
上御灤京水精殿大臣奏除江西省郎中同日臺臣
復奏除浙西憲司僉事凡朝中尊顯與夫三學名流

皆浚常之知舊也於其南還能詩者咸賦焉予目繼
作詩曰

曾是宣文秘閣郎圖書奎壁爛生光宮窓日射觚稜
影御榻風清篆鼎香文煥天官融化筆法明烏
府振宏綱慶門世積由忠孝好策奇勲荅

聖皇

陳顯曾

延閣逶迤接道山絳霄雲氣隔人寰尚尊每憶分曹
送秘殿仍聞進講還漸喜三邊收羽檄更推群策動
龍顏兼年亦有驅馳念江上茆茨尚掩關

陳士元

天上星辰拱紫微紫微垣下碧煙底雲開宮殿趨

幾載東南孝義家才名一日動京華官師久典宮
中學使者真乘海上槎苦念吾民嘗越膽勇先諸校
式吳哇會當盡掃妖氛淨歸侍螭坳戴觸邪

熊夢祥 字自得江

浚常當太師道濟公在 朝時得旨除 宣文閣授

經郎閣居 內府凡

聖子神孫咸晚勲舊碩宰子弟俱奉 旨入閣授道

閣中有土圭測景自郊及申始解學越五年除天官

值道濟公統領天兵討淮泗時六鄉後行浚常預列

後相君謝事浚常恬居三年裕如也至正丁酉八月

上御灤京水精殿大臣奏除江西省郎中同日臺臣

復奏除浙西憲司僉事凡朝中尊顯與夫三學名流

皆浚常之知舊也於其南還能詩者咸賦焉予目繼

作詩曰

曾是宣文秘閣郎圖書奎壁爛生光宮窓日射觚稜

影 御榻風清篆鼎香文煥天官融化筆法明烏

府振宏綱慶門世積由忠孝好策奇勲荅

聖皇

陳顯曾

心閣遠迤接道山絳霄雲氣隔人寰尚尊每憶分曹

送秘殿仍聞進講還漸喜三邊收羽檄更推群策動

龍顏兼年亦有驅馳念江上茆茨尚掩關

陳士元

天上星辰拱 式微紫微垣下碧煙底雲開宮殿趨

朝早花擁旌旄仗齊玉漏報籌移晷刻金芝封
詔温春泥詞臣曾記承 恩處進講經遠近辟奎
白麟溪上結茆廬幾向山中夢 帝居閣啓宣女曾
進講錢名至正近徵書絳宮龍鳳標金榜紫禁鶯
遶玉除明日從容承顧問肯將詞賦薦相如

陳應榮

樂載江南夢 帝畿猶驚輔馬聽晨鷄扇開雉尾金
容遠班列螭頭玉笏齊公署春閑雙闕近經筵日暖
五雲低詞臣快整朝天佩應有除書護紫泥

李思齊

宣文高閣起中天檢討承恩席屢前黃道星辰環禁
關清朝雨露渥經筵漢廷久羨元成學磨殿惟聞鄭

澣賢又薦聲名歸日下喜眉三鳳共翩翩

鮑恂

字仲學院山長

崇德人同前

元統乙亥

仲學

恐

山書

九月江風吹客衣歸朝恨不逐雲飛自辭禁闥還家
以祗恐經帙進講稀鳳閣弟昆應企想鑿坡僨友亦
瞻依到京若說相逢地剪燭論詩在貢闈

大比予忝分贊試事仲舒時在同列故云

林靜

字子山吳興人

洪武乙卯八月十八日詩校

理家如國見長材柱石旌門百世開明月一盂成永
別秋風萬壑助餘哀南州有傳當誰續華表何時
化鶴耒最若年人丹桂下令人惆悵玉山頽

胡儼

字若斯國子祭酒詩校同前

處士高風不可舉百年義聚古來難子真谷口家千

朝早花攤旌旄袞仗齊玉漏報籌移晝刻金芝封
詔温春泥詞臣曾記承 恩處進講經遠近辟奎
白麟溪上結苑廬幾向山中夢 帝居閣啓宣女曾
進講錢名至正近徵書絳宮龍鳳標金榜紫禁鶯
遶玉除明日從容承顧問肯將詞賦薦相如

陳應棨

樂載江南夢 帝畿猶驚輔馬聽晨鷄扇開雉尾金
容遠班列螭頭玉笥齊公署春閑雙闕近經筵日暖
五雲低詞臣快整朝天佩應有除書護紫泥

李思齊

宣文高閣起中天檢討承恩席屢前黃道星辰環禁
關清朝雨露渥經筵漢廷久羨元成學磨殿惟聞鄭

澣賢又薦聲名歸日下喜眉三鳳共翩翩

鮑恂

字仲學院山長

崇德人

元統乙亥

鄉

冠

山書

九月江風吹客衣歸朝恨不逐雲飛自辭禁闥還家
以祗恐經帟進講稀鳳閣弟昆應企想鑿坡僚友亦
瞻依到京若說相逢地剪燭論詩在貢闈

大比子泰分贊試事仲舒時在同列故云

林靜

字子山吳興人

洪武乙卯八月十八日詩稅

理家如國見長材柱石旌門百世開明月一盃成永
別秋風萬壑助餘哀南州有傳當誰續華表何時
化鶴耒最若年人丹桂下令人惆悵玉山頽

胡儼

字若斯國子祭酒詩稅同前

處士高風不可舉百年義聚古來難子真谷口家千

村勾乘山中食一簞書帶草空春色老少嶽星隱暮
雲寒諸郎濟森蘭玉科也偏俄辨象冠

張士諤 浦江縣學教諭

一家孝義出天涯庭砌芝蘭取次齊鳳唳茶泥未象魏
烏頭綽纒照麟溪兩朝翰墨昭星日百代門蘭映
璧奎明且謝恩趣

帝側瑤塔引仗五雲低

王楚齋字元戴 浙東蕙訪僉事

義門九世共生涯張氏今傳鄭氏家二曲墳簾音律
協春風偏上紫荆花

鴻鴈排空度海涯行行有序類治家春筵會食言無
間衣纊須防有絮花

恭不華

名達普化字兼善蒙古伯牙吾氏 治辛酉進士及弟祕書卿

春秋家學傳來遠九世子今更一門聞道塔庭有餘
地年來偏藝好蘭蓀

宋本

字誠夫大興人 至治辛酉進士及弟中書禮部郎中

常華轉鄂傍門旌和氣教教曉心晴莫負

朝家恩寵意長將禮義任干城

哈八右

字文苑于闐人 延祐乙丑進士中書戶部員外郎

族屬雖千共一初人生何可不同居當年恠殺張公
藝把筆猶將忍字書

韓性

字明善會稽人

揚州夢醒百年間慈竹春多香雨繁
天降紫書來下土旌臺移影覆門闌

王奎

字都真進士又東陽人

浦汭吳寧地脉聯逢人盡道鄭君賢借耆德色何為者得似同廬二百年

揚俊民詩九六首

往年承 詔待宣文灤水秋風始識君顧我山人多鄙野禁林趨步賴陶薰共列經筵侍

冕旒每蒙陪食太官羞一時相契惟君厚分手那堪作惡愁

身衣手線念尊慈唯恐升堂室者遲鶴髮魚軒正康健春風吹喜入瑤卮

綵衣辭別繡衣歸寸草恩承万丈暉浙水東西儘繁

庶一門佳慶侶君稀

東南富庶冠坤輿倥傯動勦十九虛畢竟亂基果何在救時無惜萬言書

暫出神京按浙西奇書妙典向誰稽明年四月南董便定望文星此聚奎

麟溪集卷之八終

田

